

الرشاد

س ۱ ۳۰ ۳ ۱ ۳

والله يهدي من يشاء الى صراط مستقيم ديني ، علمي ، ادبي ، سياسي هفته لق مجموعة اسلاميه در
اتبعون اهدكم سبيل الرشاد

صاحب ومدير مسئول : ح . اشرف ارباب

روسيه دوستمز اي بيلمليدركه، بوكي اسكي حسابلري، طولابلري
چويروب قاريشديرمه نك صوكي كنديسي ايچون اي اوله مز. احتمالكه
هنوز زمانده گامشدر.

برو اين دام بر مرغ دكر نه
كه عنقا را بلندست آشيانه

س. م. ت

مَكَانِيبُ

توكيودن :

ژاپون ياده دين مسئله سي

ژاپونلرك اديان ايله آليش ويري شي اولديغي، ژاپونيا حكومتك
هيچ بر ديني تقدير ويا رد ايتديكني، يعني ژاپون ياده حریت اديانه
تماميله رعایت اولونديغي بوكونه قدر هر كس سويله دي، محررلر
يازدي، بوخصوصه آوروپا مطبوعاتي بيله خيلي تدقيقاتده بولونديلر.
ماهر ژاپونلر بو مسئله دهه بتون عالمي اقناعه موفق اولمشلردی.
شمدي ايسه داخليه نظارتی مستشارينك تحت رياستنده بردين
قونغره سي آچديلر.

بونك اسبابي شمدیده مطبوعات عالم دورلو دورلو تنقيد ايدسيور،
کیمی داخليه مستشارينك فکر شخصی سي در ديورلر، کیمی ده يکی
قابينه نك نصرانيت طرفداري اولديغندن بحث ايدسيور. آمريکا
مطبوعاتي ده بونك آوروپا مدنيتك تأثيرندن حاصل اولديغي ادعا ايدسيور.
هيچ خاطرلرينه كترميورلر كه آوروپاده علوم وفنون عاليه تحصيل
ايدنلرك هيچ بري نصرانيتها ايمان ايتزلر.

ژاپون مطبوعاتي ايسه بو مسئله يي پك وقتسز بوليورلر و ژاپون
سياستك مقدمه انهماني بو مسئله ده كوريورلر.

روس مطبوعاتندن بر قاچ غزته ده ژاپون ياده بوندن صوكره
نصرانيتك پك بيوك ترقياته مظهر اولاجغندن بحث ايدسيورلر.
يا عالم اسلام نه ياپيور؟

..... سكوت ايدسيور. ذاتاً عالم اسلام بر معتاد اكثريتله
مسئله لر حل اولوندقدن صوكره اويانيور.

بو مسئله غایت مهم اولديغندن ژاپون معتبران سياسيونندن - بوراده
اسمنك ذكريني زائد بولديغ بر ذات ايله ملاقاتي وظيفه مدن عد ايدهرك
خانه سنه كيندم : قبول ايمه لريني رجا ايتدم. مع الممنونيه ديديلر.
بن - ژاپون ياده نصرانيتك اديان رسميه دن عد ايديله جكنه و دين
مذكوري تعليم ايچون حكومت كندی جينندن بر مبلغ تعيين
ايدجكنه دائر بر شايعه دوران ايدسيور، بو خبرك اصلي وارميدر؛
ژاپونيا حكومتي حقيقتاً خريستيان ديني اديان رسميه ميانه ادخال
ايتك فكرنده ميدر؟ ديدم.

سياسي - بو مسئله غایت اوزون واسكي بر مسئله در. بزامينكه
هر ملت كندی مليتي قوی و صاغلام اوله رق محافظه ايدم بيلمك ايچون بردينه
محتاجدر و او دينه حقيقه اعتقاد ايتلي در. بوكون مملكت مزده بوديزم
و شينتوييزم مذهبلي موجوددر. بو ايكي دينك برنجيسي بزه چين
وقوره طريقيه هندستاندن بوندن بيك اوچيوز سنه مقدم كلسدر.
شينتوييزم ايسه ژاپونلرك اصل دينلريد. وطنمك كوندن كونه ترقی
وتعالي سي سايه سنده بو دينلر كيت كیده اعتباردن ساقط اولمقده
و مملكت اهالي سنك معنوی قوتی ضعه دوچار اولمقده در. بونك
نهایتی طبیعی معنوی انقراض در! حالبوكه بو انقراضه بز هيچ
بروجهله راضي اولاميه جغز. چونكه آنك نتیجه سي ايچون فرانسه
بزه مثالدر. بز وطنمزي روحاً دائماً قوی بولونديرمق آرزو ايدرز.
ايشته شو اساسه مبنی شمديكي داخليه نظری معاوفی جنابلري
بو مسئله يي اورته يه وضع ايتديلر. مقصدلري مملكتده اعتقادات
كامله يه صاحب طلبه لر تربيه ايتكدر و بو وجهله اردومزي ملت مزي
وطنه ربط ايتكدر.

بو قونغره يي كشاد ايتكدن مقصدلري خريستيانلني تقدير ويا قبول
مقصديله اوليوب مملكتمز اهالي سي بيننده جاري اديانك علماسي ايله
مذاكره ايدوب وطن اهالي سنه اعتقاداتي تعليم ايچون صاغلام اصوللر
آرامقدر. بوكون سزه پك واضح معلوم دركه هيچ بر ژاپون قولايقله
بر ديني قبول ايتديكي كي قبول ايتديكي دينك ده اك صادق امتدن
اولمقده در. لکن بونك كله جك كنج طبقه لرده عین حالده دوامی
ايچون طبیعی چاره لر دوشونللي در.

ثانياً: خريستيانلغك حايه سي ايچون حكومت معاونه ده بولنه جقمي،
ديورسكز. بو مسئله ده پك بسيطدر. شمدي ژاپون ياده آلتش الي
يتش بيك تنصر ايتش ژاپون موجوددر. خصوصاً بونلر مياننده
فقرا چوقدر. طبيعي، بونلرك اولادينه ده بر دين تعليم ايتك لازمدر؛
اكر حكومت سائر ژاپونلره تعليم اولنان بوديزم ويا شينتوييزم مذهبني
بونلرك اولادينه ده تعليم ايدجك اولورسه آراده سؤ نيت مسئله سي
چيحه جقدر. بونك ايچون حكومت خريستيان طلبه يه ده خريستيانلني
تعليم ايچون برر معلم بولنديره جقدر. مقصد يالكز مملكتي اختلافدن
وقايه در. اكر ژاپونيا مکتبلرنده اسلام چوققلى اولسه ایدی آنلره
اسلاميتي تعليم ايچون معلم تعيين، قونغره يه آنلري ده دعوت
ايدهرك اصول تعليم لري حقنده مذاكره ايدردك.

ثالثاً: ژاپونيا امپراطوري حضرتلري شينتو مذهبنده اولدقلري
كي اكثر اهالي بودی اولديني حالده ژاپونيا حكومتي نه بوديزمي ونه ده
شينتوييزمي رسمي دين اوله رق طانيماز وهكذا خريستيان مذهبندن
هيچ بريني ده رسمي دين اوله رق طانيمايه جقدر. بر مکتبده بردينك
حكومت مصرفدن اوقوتله سي او دينك اوراده رسمي دين اولديغي
افهام ايتز. بوكون روسيه حكومتي ياخود فرانسه حكومتي تحت
اداره سنده اولان مکتبلرندن بر قاچنده دين اسلام معلمينه معاش

روم ایلی ده اوقاف اسلامیه نك امیاسی . — آرناودلقده اصلاحات اجرایی ایچون کیدن هیئت اشقودریه تابع پوقه قضاسنده کی املاک وقفه ایله جوامع شریفه نك تعمیری ایچون ۲۳,۰۸۵ نفیس اشقودریه ایله ملحقانیدن بش قریه ده کی خیرات شریفه نك تعمیر و تفریحی ایچون ده ۱۶۳,۰۰۰ غروشك كه جمعا ۱۸۶,۰۸۵ غروشك اوج یوز یكری سكر سنه سی اوقاف بودجه سی ترتیباتندن تسویه سنه لزوم کوسترمش و مبلغ مزبور درحال اوقاف نظارتجه تسویه ایدلشد .

دولت علیه - ایتالیا محاربه سی :

آئیده کی معلومات دار الحریده بولونان قوماندانلرک اشعاری اوزرینه حریه نظارتی طرفندن عثمانی آژانسنه تبلیغ ایدلشد :

طبرور :

۱۸ مارت . — مارتك اون سكرنجی كونی طوبروقده دشمنك برطابور پیاده سی آوجی سپرلری انشایی ایچون استحکاماتک ایلروسنه چیمش و بالاخره بر بلوکنی اوراده ترك ایله عودت ایتش ، اشبو بلوك اوزرینه سوق اولنان یدی کشیلک کوچك برمفرزه طرفندن برقاچ ال آتش ایدلسی اوزرینه مذکور بلوك افرادی آوجی سپرلری ترك ایله قاریشیق بر حالدده شهره قدر فرار ایتشلر . دشمنك آوجی سپرلرنده ترك ایله یکی اشیامفرزه من طرفندن اغتنام اولنمشدر .

۱۹ مارت . — مارتك اون طقوزنده طوبروقده دشمنك ایکی طوبرور پیاده سی ایله بر بطاریه طوبجیسی ، بر بلوك مترالیوزی آوجی سپرلری تحکیم ایچون طیشاریه چیقیدینده بونلر اوزرینه منتخب افراددن یكری کشیلک برمفرزه سوق اولنهرق آتسه باشلانسی اوزرینه دشمنك كرك بطاریه سی و كرك سفاش حریه سی طرفندن آتش ایدلش ، بو آتش خیل مدت دوام ایتشدر . مفرزه من عودتنده دشمندن براز اشیام اغتنام ایلشدر .

۲۰ مارت . — مارتك یكری ایکیسنده كذاك طوبروقده الی کشیلک بر مفرزه من دشمنك آوجی سپرلرندن برنده یرلشمش ایدی . صباحلین دشمنك اوج طابوری سپرلری اشغال ایتك اوزره ایلروله مش ، برطابوری پیشداری تشکیل ایتكده بولشمش ایدی . مفرزه من اشبو پیشدار اوزرینه آتش ایتكده باشلانجه دشمنك قره ده و دكزده بولنان طوبلری آتسه ایتدار ایلشدر . بونك اوزرینه مفرزه من معاونت ایچون بشیوز کشیلک بر قوت سوق اولندی . بو قوتك محاربه یه اشتراکی و دشمن پیشدارینك عسکرمنك آوجی سپرلرینه یا قلاشمسی ده دیگر دشمن قوتك رجعتنه واستحکاماته التجالرینه سبب اولشدر . ضایعاتز یوقدر . دشمنك ایسه اوتوز قدر نلغ تی واردر . عسکریمز علی العاده خیل اشیای عسکریه اغتنام ایلشدر : قوای جزیه ایله استحصال اولنان شونناج دشمنك قوه معنویه لرینك تمامیه مختل اولدیغنی اراثة ایدر .

سنوسی مضرتلری و محاربه حاضره . — سنوسیلرک ایتالیا علیه نه حرکت ایتكدن چكندکاری اولجه شیوع بولشیدی . فقط شوصوك زمانلرده ایتالیا نلرک مظالم و قبیاحی ایشیدن سنوسی مضرتلری احكام دینه ایله قرآن مجیدك اوامرینی تطبیقه مجبور اوله رق بوتون اتباعنه حربه اشتراك ایتك ایچون اوامر اکیده اصدار بویورمشدر . کندیسیده اقامتکاهی بولنان (کفره) دن حرکت ایدرك (جغوب) ه مواضلت بیورمشدر .

بو هفته طرفنده مصر دن آلنان (المؤید) غرتنه - نده اوقوندیغنه نظر آشارایله مضرتلری جغوب موقعی مرکز حرب اتخاذ ایتكده نیت ایتدیکی اكلاشیدمشدر . اورادن میدان حربه اشتراك ایدن اتباعنه قوماندایده جکدر . سنوسی مضرتلری مصر لیلرله والدۀ خدیوییه و هلال احمر رئیسنه مجاهدین حقنده ابراز ایتدکاری معاونت انسانیته کارانه لرندن طولانی بیان تشکر ایتش و حرب

ویریه بیلیر و عین مکتبده خرسیتیانلرک معلمی ده بولنه بیلیر . لکن بعض غرتله لر کویا حکومتك تنصر ایده چکندن بحث ایتدیلر . لکن محررلری خرسیتیان مذهبنه منسوب غرتله لر یله بونی نفرته تلقی ایتدیلر . بو حال ژاپونلرک نصرانیه نه قدر نفرته باقدقلرینه بر مثال اولایبیلر . بن ایستردم که بوقونغرده اسلام علماسندن ده برقاچ ذات بولتوب بومستله یی مذاکره ایتسونلر . لکن مع التأسف مملکتتمزده علمای اسلام بولونمیدیندن ارباب مطالعه من آنلرک فکرندن محروم قالدیلر . قونغرده اسلام اولارق - اوده پك یکی اسلام - یالکز محترم (حسن مرشد افندی هاتانو) جنابلری حاضر بولونمشلردر . هر نه قدر اسلامیت حقنده اعتقادلری کامل ایسه ده ، معلومات واسعه یه واقف اولمقلرندن کندی فکرلری اوله رق بر شی دیمه یه صلاحیتدار اولمقلرینی بیان بیورمشلردر .

ظن عاجزانه مه کوره اعتقادات و وطن قوتلرینك بربریه نه قدر مربوط اولدیغنی بوکون ژاپون سیاسیونی تماماً فهم ایتشلر و بونیت ایله بوکون بو مسئله یه صاملشلردر . ایتسه بوکون بزم وظیفه مزده ژاپونلر و وطن ایله اسلام دینك اعتقاداتی آراسنده کی رابطه نك پك قوی اولدیغنی اثبات ایدوب نظر دقتلرینی بو نقطه یه جلب ایتمکدر . بو خصوصده ارباب قلم واجتهادمنك ارشاداتنه منظرز .

ژاپونیا ده عثمانی طلبه - سندن

توکيو ،

احمد منیر رشید

شیرین

دولت علیه :

مقام معزی مفرزه اسلاملرک حرمت و محبتی . — کاشغر علمای اسلامیه و مشایخ محترمه - سندن بر ذات عالیقدر طرفندن عتبه علیای حضرت خلافتیناهییه تقدیم ایدلک اوزره بر عریضه تشکریه ایله (۷۷۱) تاریخنده ایک کاغد اوزرینه یازیلش غایت قیمتدار بر مثنوی شریف ورود ایتش و مرجع عالیسی واسطه - یله تقدیم ایدلشد .

مکرمك نظر دقتنه . — بوکونلرده چینك بعض حوالیسنده خصوصیه اسلام ایله مسکون بولنان مالککنده بعض جرارلرک طولاشمقده اولدینی موثوقاً خبر ویریلور . یوجرارلردن بعضیسنك حکومت عثمانیه نامنه حرکت ایتكده اولدینی یکن سنه بعض غرتله لر طرفندن استخبار ایدلش و بوبابده مطبوعاتجه برجوق مباحثاته قیو آچش ایدی .

بوجه دن اولق اوزره ایکی سنه مقدم شاملی سعیدالعسلی نام ذات حقنده دخی برجوق سوزلر سولشمش و حکومتك نظر دقتنه عرض ایدلشدی . ایتسه ینه بو ذاتك یعنی سعیدالعسلی الشامینك بو دفعه کاشغره کیتدیکنی و کاشغره ده حکومت نامنه مجاز تیموریولی ایچون اعانه طوبلامقده اولدیغنی موثوقاً خبر آلدق . حکومتك نظر دقتی جلب ایلر .

طیاره هیلک تحصیل . — طیاره هیلک تحصیل ایچون حکومت عثمانیه طرفندن آلتی ضابط و بش ماکنیست آوروپایه اعزام اولنمشدر .